



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XII. Etiam monetariæ, & tributariæ leges in conscientia obligant.

[urn:nbn:de:hbz:466:1-73203](#)

CAPUT XI.

Eiam monetaria, & tributaria leges in conscientia obligant.

98 **V**Alerus tit. 13. §. 9. cùm multa allegat pro obligatione legis penalitatis in conscientia, subjungit ut sequitur: *Vellem in contraria opinione persistentes adduci ad causas qui maximè perturbant Rem publicam, & ad tot tantisque aporias redigamus ejus Principem.* Quales vidimus anno 1646. Et sequentibus usque ad annum 1652. quibus populus Belgicus indumente contumax fuit. Edictis Regis super re monetaria. Et hic (Duaci) ubi scribimus, circa frances vettigalium, super vino & cerevisia impostorum, fomento, & illecebri iustius erronea opinionis, licere transgredi leges penales. Adeò ut Rex coactus fuerit exprimere, per impositionem pono se non remittere culpare in casu monetario. In altero vero Edicto severissimo, omnes ad juramentum adiungere, de non frondandis vettigalibus. Et in minus gravantis mali casu, respondit Facultas Theologica, hujus & Lovaniensis Universitatis, anno 1632, affirmans, & fine illa dubii oppositus formidine, Edicta penalia super re monetaria subditos obligare in conscientia. Exstant utrinque Universitatis responsa prelo exhibita, cum alio doctissimorum Patrum Societatis Doctorum, du Trieu, le Roy, & la Croix, inter Resolutiones Sylvii tom. 2. verbo moneta. Que Facultates, Duacensis & Lovaniensis, etiam fortius affirman, contrarium sine errore à Catholicis teneri non posse.

99 Sed quid de legibus tributariis, id est, quibus tributa & vettigalia indicuntur? Sive sint verae leges, sive non, sive etiam vettigalium impositio fiat adjecta, sive non adiecta poena, in conscientia obligare, communis & vera opinio est, licet contraria sentiant Angelus, Navarrus, Soncinas, Bartolomeus Medina, & quidam alii. Quorum fundamenta sunt sequentia. 1º. quod sic videatur consuetudine receptum, ut leges, seu inductiones vettigalium non obligent sub culpa, sed sub poena, si quis deprehendatur ea fraudasse. 2º. quod leges imponentes tributa & gabellas, non confeantur determinate prohibere defraudationem, sed indeterminatè, *solve sine fraude, vel da mulctam, si deprahensus fueris.* 3º. quod Princeps, ea imponendo, non intendat, ut tam accurate solvantur: si enim accurate solverentur, forent iusto majora. Unde Philippus II. Hispaniarum Rex, conquerentibus Ministris, quod à multis vettigalia fraudarentur, fertur respondisse: *Sinite eos, furantur enim de suo.* 4º. quod per adjectionem penae sufficienter compensetur Regi quidquid per fraudationem ipsi decedit. 5º. denique quod leges tributariae, sic explicatae, moderatae sint, & tolerabiles; aliter vero explicatae, nimis durae sint, & fortassis

injusta. 6º. quod saltem omnia vettigalia nova injusta sint.

Sed his non obstantibus vera est (ut dixi) ¹⁰⁰ communis opinio, quæ leges illas obligare dicit in conscientia. Quam Alphonsus à Castro lib. 1º. de lege penal c. 10. tam certam existimat, ut contrariam doctrinam errorum vocet, & quidem errorem pestiferum. Sic enim habet: *Ex hac falsa doctrina mihi constat multis denegasse Regi Hispania tributa.* Rem mihi notam narrat, quam ego ipse vidi, & non quam ex altiorum relatione didici. Nam multi mercatores, in variis Hispania locis, me de hac re consuluerunt, quibus constanter, & eodem tenore semper respondebam, illos qui talia tributa denegant, peccare mortaliter, & teneri ad restituitionem. Ex infra: *Hæc causa fuit, quæ me ad hoc opus scribendum impulit, ut hinc errori pestifero, quem sciebam multorum peccatorum fuisse causam, occurrerem.* Timebam enim illud Itale: “Væ mihi, quia tacui.” *Et illud Leonis:* “Qui alios ab errore non revocat, scipsum errare demonstrat.” *Quis enim vir doctus, & Catholicus tolerare potuisset tam pestiferam sententiam, qua docet furtæ sine peccato exerceri, & qua furtæ sublata sunt, sine peccato retineri?*

Istius doctissimi Authoris zelum prosecutus est Carninus in tract. de vi & potest. leg. p. 2. c. 7. Valerus tit. 13. §. 10. & Juddoc Damhouderius in praxi crimin. c. 101. n. 16. contrariae opinionis patronos vocans rerum mundanarum imperitissimos. Et revera video mutata jam scena à tempore Christi (ait Valerus) nec iam amplius fraudes publicanorum, sed civium adversus publicanos, arguendas esse: illi enim ab his justificati, sive illi mulier, quam hi hodie justiores sunt. Sed hisce censuris Apostolico iudicio relictis, nostra & communis assertio

Probatur 1º. ex Scriptura, ex qua habemus, tributa esse debita Regibus & Principibus ex justitia. Matth. 22. Reddite ergo quæ sunt Cæsaris, Cæsari: his enim verbis Christus, viso numismate census, seu tributi, quod Cæsari pendebatur, tributum illud ita probavit, ut voluerit illud Cæsari reddi, tamquam rem quæ Cæsaris esset, seu debita ipsi ex justitia, cuius est siuum cuique reddere. Idem tradit Apollonus Rom. 13. Ideo & tributa præstatis: ministræ enim Dei sum, in hoc ipsum servientes. Reddite ergo omnibus debita: cui tributum, tributum, cui vettigal, vettigal, &c. Ex quo utroque loco patet, tributa & vettigalia Principibus debita esse leges divinæ, dumque ab hominibus positivè determinatur quantitas eorum, hujusmodi determinationes non esse nisi determinationes, & interpretationes legis divinæ. Cujusmodi leges in conscientia obligare, nemo it inficias.

2º. Quemadmodum Princeps ex justitia ¹⁰³ debet Reipublicæ curam & vigiliam pro

illius conservatione & transillitate; sic Res-publica ex justitia debet Principibus suis, pro regalis statu decentia, sustentationem, subsidiaque necessaria ad regni onera sustinenda, & ad salutem Reipublicae procurandam. Istorum verò subsidiorum præstatio sit per solutionem tributorum, vectigaliumque, quorum taxatio sit per leges positivas. Ista proinde subsidia sunt stipendia Principibus ex justitia debita; sicut decimæ sunt stipendia Ecclesiæ ex justitia debita, pro sustentatione Pastorum, &c. Teste namque Apostolo 1. Cor. 10. nullus militar stipendiis suis. Reges autem & Principes Reipublica saluti, communique omnium paci militant.

¹⁰⁴ 3^o. Tributa & vectigalia Principibus debita esse ex justitia, communis mundi sensus & usus ostendit. Jus namque illa exigendi Ministri Regum & Principum publicanis vendere solent, istamque venditionem communis mundi sensus & usus approbat.

Igitur publicani, per contractum emptio-nis, jus iuricium acquirunt ad illa. Proinde graviter contra justitiam peccant, qui justum vectigal notabiliter defraudant, sūntque rei furti; atque adeò tenperad restituitione. Ideò Joannes Valerus de differentiis utriusque fori, differentiâ z. mercatores vectigalia justa non solventes, non existimat tutos in conscientia, ne tunc quidem, dum minime petuntur à publicanis, id non advertentibus. Neque enim donare vel condonare præsumuntur: cùm nihil minus intendat, vel cogint. Videri potest Augustinus epist. 96, alias 124. ad Olympium, ubi debitum fisco non solvere, fraudem vocat: *Necque enim fraus ipsa, quamvis fisco siebat, idèo non siebat.* Unde subiungit, quod melius inopia laborem serui Dei tolerant, quam ut necessario-rum facultatem cum conscientia fraudis obtineant, dimitendumque potius agrum, non soluto fisco comparatum (nisi fiscalis debiti remissio per Imperiale beneficium obtineatur) quam conscientia fraudis retinem-
dum.

¹⁰⁵ Nec valida sunt fundamenta contrarie opinionis. Ad primum enim respondeo cum Suarez, Salas, Carnino, &c. negando id consuetudinem introductum; inò consuetudinem in contrarium allegari à Carnino. Ut ut sit, cùm tributorum institutio de galibus sit, pertinetaque ad supremam potestatem, præscribi non potest per privatorum consuetudinem. Covarruvias qq. practicar. c. 4 nec consuetudo contra legem humana prævalere potest, nisi consentiente Principe: quem in puncto gabelliarum non confinire, patet ex eo quod fraudantes puniat, & in Belgio suam in contrarium intentionem aperte declaraverit per exactiōrem jurandi, de iis non fraudandis. Denique tributa & gabellæ, non secūs ac decimæ,

debentur jure divino, & naturali. Contra quod omnis humana consuetudo, non tam consuetudo est, quā corruptela.

Ad secundum respondeo contrarium p-
tere ex breviculis vectigalium, quæ non con-tinente alternativam, solvendi vel luendi; sed solū determinant quantitatē vectigal solvendi.

Ad tertium respondeo negando assump-tum. Quod solidè non probatur ex dicto illo Philippi II. utpote qui dum dixit (si ta-men dixit) *sunt illos, facetè dixit.* Dum verò subiunxit furantur, furti peccatum sup-potuit. Nec contrarium insinuavit, adden-do ly de suo: quamvis enim verè fures sint, qui vectigalia fraudant; furantur tamen quodammodo de suo, pro quanto sibi retinent pecunias suas, tametsi Regi, vel publicanis ex justitia debitas.

Ad quartum respondeo, istud etiam aī sumptum negari à publicanis, & Judicibus. Et merito, tum quia per astutiam & subtilitatem fraudant, poenæ ut plurimū cluduntur. Tum quis mulcta, quibus ali-qui plectuntur, non compensant fraudes a-liorum, sed diligentiam, cautelam, & sum-p-tus publicanorum in iis detegendis.

Ad quintum respondeo 1^o. negando, quod leges tributariae, sensu nostro explicata, nimis duræ sint, vel injustæ. Neque enim tales censere potest, qui compertas ha-bet maximas Reipublicæ necessitates, saltem in afflictissimo Belgio nostro, ubi gravissima bella à seculo perdurant, nec quantacumque tributa sufficiunt ad publicas necessita-tes, ut manifestum facit experientia, publi-cique ærarii inopia.

Respondeo 2^o dato, non concedo, quod tributa aliqua nimium dura essent, intolerabiliaque, saltem non omnia esse talia. Omnia tamen fraudantur. Nec ea quidem, quæ intolerabilia videri possent, si in totum sol-verentur, etiam in parte solvuntur, tametsi in parte evidenter tolerabilia. Causa proinde fraudum non tam est pretensa illa intolerabilitas, quā naturæ corruptæ tenacitas & cupiditas, suggestis excusationes in pec-catis.

Respondeo 3^o. nulli sapienti, in Belgio nostro, dubium esse posse de justitia vectigalium, tum ob præmissa, tum quia in Belgio, non tam imperantur, quām impe-trantur, nullaque, absque consensu Ordinum, qui populi tutelam gerunt, impo-nuntur.

Respondeo 4^o. Sicut in dubio de justitia aliarum legum, vel etiam de justitia belli v. g. obligatio est parendi, juxta Augusti-num 22. contra Faustum c. 47. sic & in du-bio de justitia tributorum impostorum. In dubio namque præsumendum pro Principe, & justitia legum, ordinationumque ipsius. Nec privatorum est judicare leges & ordi-nationes (quarum occultas rationes ut plu-

rimūm ignorant) sed vivere secundūm leges , &c.

¹¹³ Et propterea sententia Angeli, Navari, &c. non solum omni destituitur fundamen-
to, sed & Regi, bonoque communi adver-
satur, & à Doctribus communiter repre-
henditur, teste Sylvio. Navari quoque sen-
tentia, quod mortaliter non peccant alpor-
tatores mercium è regno, non soluto vēti-
gali, nec pescantes in fluminibus vettis, vel
in silvis ligna cādentes, pecorave pascentes
contra prohibitionem: hanc (inquam) sen-
tentiam Becanus periculosa vocat. Cū-
que Lovani, Præside eximio D. Martino
Steyartio, publicis in Thesibus defensa fu-
set propositione afferens nec peccare, nec ad
restitutionem teneri eum, qui de taxa præ-
scripta subtrahit, quantum bona fide credit,
se supra alios sua conditionis gravatum iri,
si totam taxam solveret : propositionem
istam, ad se delatam, Supremum Brabantia
Confilium i. Julii 1693. scandalosam, Ma-
jestatisque iuribus, Statibus, & publico per-
niciosa declaravit.

¹¹⁴ Ad sextum respondeo à nonnullis omnia
vētigalia nova improbari velut injusta ;
maxime imposta super rebus ipso usū con-
sumptibilibus , & super esculentis & po-
ulentis. Verum ipsi nonsatis attendunt pu-
blicam necessitatem, plerūmque adeò urgen-
tem , ut ei sublevandae nec antiqua vēti-
galia sufficiant, nec nova , quæ super aliis
rebus imponuntur. Ideoque dum ea indistin-
ctè dominant, errandis temidoctis præ-
bent. In nostro præsertim Hispanico Belgio,
in quo vētigalium illorum iustitiam &
necessitatem , nedum usus à multis retrò annis
frequentissimè ostendit, sed & unanimis sensu
omnium Belgii Ordinum (qui pro iis
imponendis supplicare solent Regi) quorum
(utpote expertorum , compertaque haben-
tium publicas necessitates , earumque cau-
fas) unanimis hac de re sensu inconsidera-
tionem arguit contradicentium.

C A P U T X I I I .

Omnis lex in conscientia obligans, obligat sub
culpa, veniali, vel mortali.

¹¹⁵ E st adeò communis assertio Theologo-
rum omnium , ut prorsus singularis sit
contraria Recentioris cuiusdam opinio disp.
3. de legib. n. 19. dicentis non omnem trans-
gressionem legis aeternæ esse peccatum mor-
tale , vel veniale , Augustinianamque pecca-
ti definitionem, dictum, factum, vel concipi-
sum contra legem aeternam , latius patere, quam
peccatum mortale , vel veniale , convenire
que peccato, nec mortali, nec veniali, quod
vocat immediate à parte rer individualatum
sub peccato in genere. Qui etiam Author
disput. 6. n. 26. dicit, obligationem in con-
scientia multum differre ab obligatione sub

culpa, ut patet (inquit) ex Regula Domi-
nicariorum , aliorumque quorumdam Reli-
gioforum. Illæ enim obligant in conscienc-
ia (utpote dictante Regulas illas esse servan-
das) non verò sub culpa : cùm exprimant
se non obligare sub culpa.

Sed contra ipsum assertio nostra probatur. ¹¹⁶

1°. Quia omnis transgressio legis , verè &
propriè in conscientia obligantis , est vera &
propriè dicta transgressio legis Dei aeternæ ,
ut constat ex dictis num. 80. Sed omnis
vera & propriè dicta transgressio legis Dei
aeternæ , cùt veri nominis peccatum , adeò
que culpa (ut constat ex Augustiniana & Am-
brosiana peccati definitione) omne autem
veri nominis peccatum , vel mortale est , vel
veniale. Neque enim à parte rei magis da-
bile est veri nominis peccatum , nec morta-
le , nec veniale , quam veri nominis pec-
catum , nec grave , nec leve. Quod tam
impossibile est quam quantitas à parte rei ,
nec magna , nec parva.

2°. Quia novum istud & inauditum pec-
cati individuum suus Author definire non po-
test , nec naturam ipsius explicare. Neque
enim bene ipse explicat , dicendo , quod sit
peccatum non privans hominem gratiā san-
ctificante , sed specialibus Dei favoribus , gra-
tia que quibusdam actualibus. Ista namque
est definitio , seu explicatio peccati venialis ,
quam omnes passim Doctores tradunt , nec
aliam ipse proferre potest.

3°. Singulare opiniones , contra Theolo-
gos omnes , absque cogente fundamento non
sunt introducenda. Id enim sapientum op-
inium judicio temerarium reputatur , uti
ostendimus to. 1. de Deo distinet. 1. q. 1.
a. 3. & q. 5. a. 3. Sed opinio quæ ponit
peccatum à parte rei nec mortale , nec ve-
niale , singularis est , & contra Theologos
omnes (divisionem namque peccati propriè
dicti in mortale & veniale , velut adquata-
tam , Theologi omnes haec tenus receperunt
& tradiderunt) nec ullum habet fundamen-
tum cogens. Non enim ex sacris Litteris ,
non ex sacris Canonibus , non ex Patribus ,
utpote solam facientibus mentionem pecca-
ti mortalis & venialis. Non denique in ra-
tione perita ex supradictis Religioforum Re-
gulis. Quia Regulæ illæ ad materiam in
eis præscriptam , ex se non obligant sub pec-
cato propriè dicto , sed sub pena dumtaxat ,
prout expresse declarat. Ex illis ergo so-
lidè probati nequit veri nominis peccatum ,
quod nec mortale sit , nec veniale. Neque
latidatus Author citatà disp. 3. n. 19. verè di-
cit transgressioni Regularum illarum per se
convenire Augustinianam peccati definitio-
nem : cùm id contra expressam Regularum
illarum expressionem , & contra id quod
ipsem dicit. 6. n. 24. expresse dicit, Regu-
las illas sub culpa non obligare , sed sub
pena dumtaxat.